

ҮНЭТ ЦААС ГАРГАГЧИЙН ТОЛГОЙ БОЛОН ОХИН КОМПАНИЙН ТУХАЙ МЭДЭЭЛЭЛ

Үнэт цаас гаргагчийн 100 хувийн хувьцааг эзэмшигч толгой компани нь Монгол Улсын хуулийн этгээд болох “Жаст групп” ХХК болно. “Жаст групп” ХХК-ийн өөрийн хөрөнгө нь 2 014 000 000 /хоёр тэрбум арван дөрвөн сая/ төгрөг.

“Жаст групп” ХХК нь 1999 онд Газрын тосны бүтээгдэхүүний худалдааны чиглэлээр үйл ажиллагаагаа эхэлсэн бөгөөд 2000 оноос хөдөө аж ахуйн салбарт, 2006 оноос барилга болон олон улсын худалдааны салбаруудад ажиллаж байна.

2009 онд уул уурхай болон банк, санхүүгийн салбарт томоохон хөрөнгө оруулалтыг хийснээр эдгээр чиглэлд идэвхитэй үйл ажиллагааг эрхлэн явуулж байна. 2010 онд ОХУ-ын Москва хот, БНХАУ-ын Бээжин хотноо өөрийн төлөөлөгчийн газрыг нээсэн байна.

“Жаст групп” ХХК-ийн бизнесийн салбаруудад ажиллаж байгаа компаниуд:

Хөдөө аж ахуйн салбар	- “Жаст Агро” ХХК
Газрын тосны бүтээгдэхүүний салбар	- “Жаст Ойл” ХХК
Банк, санхүүгийн салбар	- Хадгаламж банк
Барилгын салбар	- “Эрд тана” ХХК
Уул уурхайн салбар	- “Олон овоот гоулд” ХХК
Олон улсын худалдааны салбар	- “Маркентайл хаус” ХХК





График 8. Жаст группын борлуулалтын орлого /тэрбум ₮/

График 16. Борлуулалтын орлогын бүтэц /Охин компаниар/

Эх сурвалж: Үнэт цаас гаргагчийн толгой компанийн борлуулалтын мэдээ 2010

"Жаст Ойл" ХХК

“Жаст групп”-ийн анхдагч бизнес болох газрын тосны бүтээгдэхүүний үйл ажиллагааг эрхлэгч “Жаст Ойл” ХХК нь 1999 онд байгуулагдсан. Тус компани газрын тосны бүтээгдэхүүний 4 агуулах, Улаанбаатар хот болон 16 аймагт байрлах 41 шатахуун түгээх станцын өргөн цар хүрээтэй сүлжээ бүхий Монгол Улсын газрын тосны бүтээгдэхүүний томоохон импортлогч компанийн нэг юм.

Холбоо барих:

Улаанбаатар 14191, Сүхбаатар дүүрэг, Бага тойруу 42, Монголын Залуучуудын Холбооны байр, Утас/Факс: 314014, 318261, И-мэйл: oil@justgroup.mn, Вэб: www.justgroup.mn



“Хадгаламж банк”

Тус банк нь орон сууц, нийтийн аж ахуй, тэтгэвэр тэтгэмж, хадгаламжийн үйлчилгээг 1940-өөд оноос үзүүлж ирсэн “Хадгаламжийн касс”-ын суурин дээр байгуулагдсан бөгөөд 1996 онд төрийн өмчит компани болсон.

2009 оны 4 дүгээр сараас банкны удирдлагад “Жаст групп”-ын бодлогыг хэрэгжүүлж эхэлснээр хэтийн зорилго, үзэл баримтлалаа цоо шинээр тодорхойлон, үйл ажиллагааныхаа цар хүрээг эрс өргөжүүлэн ажиллаж байна.

Хадгаламж банк нь 2010 онд Монгол шуудан банкиг өөртөө нэгтгэснээр банкны активын хэмжээ 2 дахин нэмэгдсэн ба 2010 оны жилийн эцсийн байдлаар нийт актив 442.7 тэрбум төгрөг байна. Банкууд нэгдсэнээр банкны орон нутаг дахь салбар нэгжүүдийн тоо 320-д хүрч, Монгол орны аймаг, сум бүрт хүрч үйлчилж чадах банкны сүлжээг бий болгосон.

Холбоо барих:

Улаанбаатар 15160, Чингэлтэй дүүрэг, 1-р хороо, Холбоочдын гудамж-4, Хадгаламж банкны төв байр, Утас/Факс: 70115566, 327467, И-мэйл: bank@savingsbank.mn, Вэб: www.savingsbank.mn

“Эрд тана” ХХК

“Эрд тана” ХХК нь 2004 онд байгуулагдсан бөгөөд барилгын салбарт үйл ажиллагаагаа явуулж байна. Тус компани Нийслэлийн Баянзүрх дүүргийн нутаг дэвсгэрт 10 давхар 2 барилга, 15 давхар 3 барилга бүхий орон сууцны томоохон цогцолборын барьж эхлүүлэн 2010 оны 12 дугаар сард дуусган бүрэн ашиглалтанд оруулсан.

Холбоо барих:

Улаанбаатар 13335, Баянзүрх дүүрэг, 14-р хороо, Зүүн дөрвөн зам худалдааны төвийн байр, Утас/Факс: 456562, И-мэйл: erdtana@justgroup.mn, Вэб: www.justgroup.mn

“Олон овоот гоулд” ХХК

“Олон Овоот гоулд” ХХК нь 2009 оны 6-р сараас эхлэн Олон Овоотын алтны үндсэн ордын ашиглалтын үйл ажиллагааг явуулж байна. Олон Овоотын алтны үндсэн орд нь Өмнөговь аймгийн Мандал-Овоо сумын нутаг дэвсгэрт газар зүйн хувьд Ханын Хэцийн өргөгдөлд Улаанбаатар хотоос 500 км, Өмнөговь аймгийн төв Даланзадгад хотоос 100 км, Мандал-Овоо сумын төвөөс 45 км, Баянхошуу багийн төвд байрладаг.

Холбоо барих:

Улаанбаатар 14191, Сүхбаатар дүүрэг, Бага тойруу 42, Монголын Залуучуудын Холбооны байр, Утас/Факс: 329074, 55252490, И-мэйл: info@olonovootgold.mn, Вэб: www.justgroup.mn

“Меркентайл хаус” ХХК

Тус компани “Жаст групп” ХХК-ийн үйлдвэрлэж буй одоогийн бүтээгдэхүүн болон ирээдүйд үйлдвэрлэх бүтээгдэхүүнийг дэлхийн зах зээл дээр гаргах үйл ажиллагааг мэргэжлийн түвшинд эрхлэх хүрээнд 2008 онд байгуулагдсан.



Ингэснээр “Меркентайл хаус” ХХК нь Монголд үйлдвэрлэгдэж буй уул, уурхайн бүтээгдэхүүнүүдийг дэлхийн зах зээл дээр худалдаалах үйл ажиллагааг эрхэлсэн Монголын анхны компани болсон юм.

Холбоо барих:

Улаанбаатар 14191, Сүхбаатар дүүрэг, Бага тойруу 42, Монголын Залуучуудын Холбооны байр, Утас/Факс: 318261, 315612, И-мэйл: finance@justgroup.mn, Вэб: www.justgroup.mn

“Хатан суман” ХХК

Тус компани нь 2010 онд байгуулагдсан бөгөөд гадаад худалдааны чиглэлээр үйл ажиллагаа явуулдаг. “Хатан суман” ХХК-ийг “Жаст Агро” ХХК нь 100 хувь эзэмшдэг.

Холбоо барих:

Улаанбаатар, Баянгол дүүрэг, 20-р хороо, Сонсголон, “Жаст Агро” ХХК-ийн байр Утас: 636277,

